



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nicolai Revsneri Ivrisconsvlti Therothermae, siue Aqvae
Ferinae**

Reusner, Nikolaus

Lavingae, 1581

VD16 R 1499

IV. D. Georgio Friderico, Marchioni Badensi, & Hochburgio.

urn:nbn:de:hbz:466:1-12416

Nec longo pietas tanta evanescet in ævo:
Et talis meriti gratia maior erit.

Tu modo, quæ mitto, lege carmina fronte serena,
Inclute Dux: animi pignora certa mei:

Ac laudes admitte tuas, laudesque tuorum:
Sic dabis ingenio vela secunda meo.

II.

Ad D. Iacobum, Marchionem
Badensem.

A Iove principium princeps, finemq; IACOBE
Iustus habet: metui vult, & vterque coli.

III.

Ad Aquas Ferinas.

O temperatæ, dulce nymphæum, lymphæ:
Lymphæ, potentis blanda dona naturæ:

Sinu beato Martiana quas vallis
Profundit: apri proditas feri quondam

Vestigijs, ripas ad Entij sacras.

Salvete ter, quaterque, cum sacris Nymphis

Salvete. vos ut mille versibus laudem:

Laudabo nunquam vos tamen satis dignè:

O temperatæ, dulce nymphæum, lymphæ.

IV.

D. Georgio Friderico, Marchioni
Badensi, & Hochburgio.

A 4 Magna

*Magna ducis virtus bonitas: spes inde, fidesque
Et constans populi progeneratur amor.*

V.

Ad D. Ludouicum Prince-
pem VVirtebergicum, & Teccium.

*Sit quamuis bona, non omnis fert omnia tellus:
Alterius gens sic altera poscit opem.
Lydia sic aurum: sic aes, ferrumque Corinthos.
India sic nitidum spontè ministrat ebur.
Sic fruges Libye, vites Campania, poma
Media: sic mel fert Attica terra bonum.
At tua, Dux Ludouice, tibi fert omnia tellus:
Quamque potest, alijs fida ministrat opem.
Diues opum tellus: pecoris quoque diues, & ager
Magna, potensque satis censibus, atque viris.
Illic arua Ceres, iuga Bacchus, pascua Phœbus,
Pan campos, siluas spontè Diana colit.
Ipsa Pales herbas pecori, lac sufficit agnis:
Et saltus Dryades, Oreadesque colunt.
Turrigera Cybele caput hîc onerata corona
Cernitur: & Nymphis Gratia iuncta suis.
Quid latices memorem sacros, Baiasque salubres
Quid venas ferri, quas parit omne solum.
Sunt hæc magna quidem: sed longè maxima: terra
Quod colit hanc, sancta cum Pietate, Themis*